

## UPUTSTVO ZA PACIJENTA

### **BRONCHOSTOP® SINE sirup protiv kašlja**

(0,12 g + 0,83 g)/15 ml, sirup

*suhi ekstrakt timijana, tečni ekstrakt korijena bijelog šljeza*

**Pažljivo pročitajte ovo uputstvo prije nego počnete koristiti ovaj lijek jer sadrži važne informacije za Vas.**

Uvijek koristite ovaj lijek tačno kako je opisano u ovom uputstvu ili kako Vam je ljekar, ili farmaceut propisao.

- Sačuvajte ovo uputstvo o lijeku. Možda ćete ga kasnije trebati ponovo pročitati.
- Ako imate bilo kakvih dodatnih pitanja ili Vam je potreban savjet, obratite se svom farmaceutu.
- Ako bilo koja od nuspojava navedena u dijelu 4 postane ozbiljna, ili ako uočite bilo kakvu nuspojavu koja nije navedena u ovom uputstvu, molimo Vas, obavijestite svog ljekara ili farmaceuta.
- Ako se ne osjećate bolje ili ako se osjećate lošije nakon 5 dana, obratite se ljekaru.

### **Sadržaj:**

1. Šta je *BRONCHOSTOP SINE sirup protiv kašlja* i za šta se koristi
2. Prije nego počnete uzimati *BRONCHOSTOP SINE sirup protiv kašlja*
3. Kako uzimati *BRONCHOSTOP SINE sirup protiv kašlja*
4. Moguća neželjena djelovanja
5. Kako čuvati *BRONCHOSTOP SINE sirup protiv kašlja*
6. Dodatne informacije

### **1. ŠTA JE *BRONCHOSTOP SINE sirup protiv kašlja* I ZA ŠTA SE KORISTI**

*BRONCHOSTOP SINE sirup protiv kašlja* je tradicionalni biljni lijek koji se koristi za ublažavanje nadražene sluznice grla i podsticanje iskašljavanja postojane, viskozne sluzi kod kašlja nastalog usljed prehlade.

Upotreba tradicionalnog biljnog lijeka kod navedenih indikacija je isključivo na temelju dugogodišnje primjene.

Ukoliko se ne osjećate bolje, ili se osjećate lošije nakon 5 dana primjene, obratite se Vašem ljekaru.

### **2. PRIJE NEGO POČNETE UZIMATI *BRONCHOSTOP SINE sirup protiv kašlja***

**Nemojte uzimati *BRONCHOSTOP SINE sirup protiv kašlja*** ako ste alergični (preosjetljivi) na korijen bijelog šljeza, timijan ili druge članove iz porodice biljaka Lamiaceae, ili na bilo koji drugi sastojak ovog lijeka (naveden u dijelu 6).

### **Budite posebno oprezni kad koristite *BRONCHOSTOP SINE sirup protiv kašlja***

Posavjetujte se sa Vašim ljekarom ili farmaceutom prije uzimanja lijeka Bronchostop Sine sirup protiv kašlja. U slučaju pojave groznice, otežanog disanja ili gnojnog sekreta, obratite se ljekaru.

### **Djeca:**

#### **Djeca u dobi do 2 godine starosti:**

Upotreba lijeka kod djece mlađe od 2 godine se ne preporučuje zbog nedostatka podataka i bez prethodne konsultacije sa ljekarom.

### **Uzimanje drugih lijekova sa *BRONCHOSTOP SINE sirupom protiv kašlja***

Recite Vašem ljekaru ili farmaceutu ako koristite ili ste nedavno koristili ili planirate koristiti neke druge lijekove.

Nisu poznate interakcije s nekim drugim lijekom.

### **Trudnoća i dojenje**

U nedostatku podataka, korištenje tokom trudnoće i dojenja se ne preporučuje.

Ako ste trudni ili dojite, mislite da ste trudni ili planirate trudnoću, prije uzimanja ovog lijeka obratite se ljekaru ili farmaceutu za savjet.

#### **Upravljanje vozilom i drugim mašinama**

Nisu provedena istraživanja o uticaju lijeka na sposobnost upravljanja vozilima i rada na mašinama.

#### **Važne informacije o nekim sastojcima *BRONCHOSTOP SINE sirupa protiv kašlja***

BRONCHOSTOP SINE sirup protiv kašlja sadrži konzervanse metil - 4-hidroksibenzoat i propil - 4 hidroksibenzoat koji mogu izazvati alergijske reakcije koje se mogu pojaviti i kao odgođene reakcije (vidjeti dio "Nemojte uzimati BRONCHOSTOP SINE sirup protiv kašlja").

#### ***BRONCHOSTOP SINE sirupa protiv kašlja* sadrži ksilitol.**

Ksilitol može djelovati laksativno. Kalorijska vrijednost ksilitola je 2,4 kcal/g.

#### ***BRONCHOSTOP SINE sirupa protiv kašlja* sadrži koncentrat soka maline koji sadrži saharozu, glukozu i fruktozu.**

Svakih 15 ml ovog lijeka sadrži 66 mg fruktoze.

Ako vam je liječnik rekao da imate (vi ili vase dijete) intoleranciju na neke šećere, ili ako vam je dijagnosticirana nasljedna intolerancija fruktoze (hereditary fructose intolerance, HFI), rijedak genetički poremećaj u kome organizam nema sposobnost razgradnje fruktoze, obavezno se posavjetujte sa liječnikom prije nego počnete (vi ili vase dijete) uzimati ovaj lijek.

#### ***BRONCHOSTOP SINE sirupa protiv kašlja* sadrži propilen glikol.**

Svakih 15 ml ovog lijeka sadrži 33,3 mg propilen glikola.

### **3. KAKO UZIMATI *BRONCHOSTOP SINE sirup protiv kašlja***

Uvijek koristite BRONCHOSTOP SINE sirup protiv kašlja tačno kako je opisano u ovom uputstvu. Ako niste sigurni, provjerite sa svojim ljekarom ili farmaceutom.

#### **Doziranje**

Odrasli i adolescenti iznad 12 godina starosti:

15 ml svaka 3 do 4 sata (4 do 6 puta dnevno; maksimalna dnevna doza je do 90 ml)

Djeca između 4 - 11 godina:

7,5 ml svaka 3 do 4 sata (4 do 6 puta dnevno; maksimalna dnevna doza je do 45 ml)

Djeca između 2 - 3 godine (samo uz konsultaciju sa ljekarom):

Nakon konsultacije sa ljekarom, može se primijeniti 7,5 ml svaka 3 do 4 sata (4 do 6 puta dnevno; maksimalna dnevna doza je do 45 ml).

#### **Djeca u dobi do 2 godine starosti:**

Upotreba lijeka kod djece mlađe od 2 godine se ne preporučuje zbog nedostatka podataka i bez prethodne konsultacije sa ljekarom.

#### **Način primjene**

Oralna primjena.

Uzmite nerazrijeđeni *BRONCHOSTOP SINE sirup protiv kašlja* tako što ćete odgovarajuću dozu nasuti u priloženi dozer koji ima zapreminu od 2,5 ml do 20 ml.

Po potrebi, BRONCHOSTOP SINE sirup protiv kašlja se isto može popiti i rastvoren u vodi ili toplom čaju.

#### **Trajanje primjene**

Molimo Vas obratite se ljekaru ako se ne osjećate bolje ili se osjećate lošije nakon 5 dana primjene.

#### **Ako uzmete više *BRONCHOSTOP SINE sirupa protiv kašlja* nego što ste trebali**

Ako ste uzeli znatno veću količinu ovog lijeka, simptomi poznatih nuspojava se mogu pojačati. U ovom slučaju, molimo Vas da obavijestite svog ljekara. Ukoliko je potrebno, Vaš ljekar može donijeti odluku o potrebnim mjerama.

**Ako ste zaboravili uzeti *BRONCHOSTOP SINE Sirup protiv kašlja***  
Nemojte uzimati dvostruku dozu da nadoknadite dozu koju ste preskočili.

Ako u vezi s primjenom ovog proizvoda imate još pitanja, obratite se svom ljekaru ili farmaceutu.

#### **4. MOGUĆA NEŽELJENA DJELOVANJA**

Kao i drugi lijekovi, *BRONCHOSTOP SINE* sirup protiv kašlja može uzrokovati nuspojave, iako ne kod svakoga. Ako neka nuspojava postane ozbiljna, ili ako primijetite nuspojavu koja nije navedena u ovom uputstvu o tome obavijestite svog ljekara ili farmaceuta.

Primijećene su reakcije preosjetljivosti i poremećaji želuca koje su u vezi sa primjenom lijekova koji sadrže timjan. Učestalost nije poznata.

Prijavljivanje sumnje na neželjena dejstva lijeka

U slučaju bilo kakvih neželjenih reakcija nakon primjene lijeka, potrebno je obavjestiti Vašeg ljekara ili farmaceuta. Ovo podrazumijeva sve moguće neželjene reakcije koje nisu navedene u ovom uputstvu o lijeku, kao i one koje jesu.

#### **5. KAKO ČUVATI *BRONCHOSTOP SINE sirup protiv kašlja***

Držite ga izvan dometa i vidokruga djece.

Čuvati na temperaturi do 25°C.

Čuvajte bočicu u originalnom pakovanju kako bi zaštitili sadržaj od svjetlosti.

Bočicu uvijek držite čvrsto zatvorenu i potrošite sadržaj u roku od 4 sedmice .

Nemojte koristiti *BRONCHOSTOP SINE* sirup protiv kašlja nakon isteka roka trajanja koji je naveden na kutiji. Rok trajanja se odnosi na posljednji dan tog mjeseca.

Lijekovi se ne bi smjeli baciti u otpadne vode ili kanalizaciju. Pitajte svog farmaceuta kako da bacite lijekove koji Vam više nisu potrebni. Ovim mjerama pomažete u zaštiti okoliša.

#### **6. DODATNE INFORMACIJE**

***Šta BRONCHOSTOP SINE sirup protiv kašlja sadrži?***

Aktivne supstance su:

15 ml (= 16,7 g) rastvora sadrži:

0,12 g suhog ekstrakta timjana (Thymi herba, omjer ekstrakta = 7-13:1, ekstraktor: voda)

0,83 g tečni ekstrakt korijena bijelog šljeza (Althaeae radix, omjer ekstrakta = 1:13, ekstraktor: voda)

Ostali sastojci su:

Ksilitol (E 967), metil-4-hidroksibenzoat (E 218), propil-4-hidroksibenzoat (E 216), koncentrat soka maline (sadrži saharozu, glukozu i fruktozu), aroma maline (sadrži propilen glikol (E1520)), ksantan guma, limunska kiselina monohidrat (E 330), maltodekstrin, gumiarabika, pročišćena voda.

**Kako izgleda *BRONCHOSTOP SINE sirup protiv kašlja* i sadržaj pakovanja**

*BRONCHOSTOP SINE* sirup protiv kašlja je crvenosmeđ, gusta tekućina. *BRONCHOSTOP SINE* sirup protiv kašlja se puni u smeđe staklene bočice sa čepom na zavrtnje od 120 ml.

Sadržaj kutije uključuje dozer zapremine od 2,5 ml do 20 ml

#### **Režim izdavanja**

Lijek se izdaje bez ljekarskog recepta.

**Proizvođač (administrativno sjedište i mjesto puštanja lijeka u promet)**

Viennapharm GmbH, Mariahilfer Straße 123/3, 1060 Beč, Austrija

**Nosilac dozvole za stavljanje lijeka u promet**

Viennapharm d.o.o., Jezero 3, 71000 Sarajevo, Bosna i Hercegovina

**Broj i datum dozvole za stavljanje lijeka u promet :**

04-07.3-2-1722/16 od 09.11.2016.

**Datum revizije uputstva**

Decembar 2019